

Piniakkanik savaateqarnermilu tunisassianik tunisaqarnermi nalunaaruteqartarneq pillugu Namminersornerullutik Oqartussat nalunaarutaat

Piniarneq aallaaniarnerlu pillugit Inatsisartut inatsisaanni nr. 12-imi 29. oktober 1999-imeersumi §§ 12, 13 aamma 17, imm. 2, aamma § 12 Nunalerineq pillugu Inatsisartut inatsisaat nr. 5, 2. maj 1996-imeersoq, naapertorlugit makku aalajangersarneqarput:

§ 1. Nalunaarummi pineqarput:

- 1) Miluumasut timmissallu pisat tunisassiat.
- 2) Savaateqarnermi tunisassiat assigisaallu.

§ 2. Siullermeerutaasumik piniakkanik tunisassianik, takuuk § 1, nr. 1, tunitsivimmut nunamiittumut umiarsuarmulluunniit tunitsivimmut tunisassianik pisisussamut tunisisup "Piniakkanik savaateqarnermilu tunisassianik tunisaqarnermi nalunaaruteqartarneq"-mi ilanngussami ilanngunneqartumi maleruagassat naapertorlugit paasissutissanik nalunaaruteqarfigissavai.

Imm. 2. Tunitsivik, nunamiittoq umiarsuarluunniit, siullermeerutaasumik piniakkanik pisisoq, takuuk § 1, nr. 1, tunisassianut tunngatillugu tamatuminnga paasissutissat Aa- lisarnermut, Piniarnermut Nunalerinermullu Naalakkersuisumut tunniutissavai ilanngussami ilanngunneqartumi "Piniakkanik savaateqarnermilu tunisassianik tunisaqarnermi nalunaaruteqartarneq" malillugu.

Imm. 3. Paasissutissat, takuuk imm. 2, paasissutissanik imm. 1 naapertorlugu piumasari- neqartunik ilaqartinneqassapput.

§ 3. Siullermeerutaasumik savaateqarnermilu tunisassianik assigisaannilluunniit, takuuk § 1, nr. 1, tunitsivimmut nunamiittumut umiarsuarmulluunniit tunitsivimmut tunisassianik pisisussamut tunisisup "Piniakkanik savaateqarnermilu tunisassianik tunisaqarnermi nalunaaruteqartarneq"-mi ilanngussami ilanngunneqartumi maleruagassat naapertorlugit paasissutissanik nalunaaruteqarfigissavai.

Imm. 2. Tunitsivik, nunamiittoq umiarsuarluunniit, siullermeerutaasumik savaateqarnermi tunisassianik assigisaannilluunniit pisisoq, takuuk § 1, nr. 2, Aalisarnermut, Piniarnermut Nunalerinermullu Naalakkersuisoq savaateqarnermi tunisassiat assigisaalluunniit pillugit paasissutissanik tunissavaa, ilanngussami ilanngunneqartumi "Piniakkanik savaateqarnermilu tunisassianik tunisaqarnermi nalunaaruteqartarneq"-mi maleruagassat naapertorlugit.

Imm. 3. Paasissutissat, takuuk imm. 2, paasissutissanik imm. 1 naapertorlugu piumasari- neqartunik ilaqartinneqassapput.

§ 4. Naalakkersuisunut ilaasortap paasissutissat, takuuk §§ 2 aamma 3, Kalaallit Nunaanni Pinngortitaleriffimmut ingerlateqqissinnaavai.

§ 5. § 2 taakkunungalu ilanngussaq "Piniakkanik savaateqarnermilu tunisassianik tunisaqarnermi nalunaaruteqartarneq" unioqqutinneqarpata akiliisitsinermik kinguneqarsinnaavoq.

§ 6. Nalunaarut 1. september 2006 atuutilerpoq.

Namminersornerullutik Oqartussat, ulloq 5. juli 2006

Finn Karlsen

/

Emanuel Rosing

Ilanngussaq

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut